

## Aduertencias para

Summi Pontifices Ordinibus militaribus concesserunt, quæ aliis Religionibus Mendicantibus, & Monachalibus minime gentium sunt applicanda. Professoribus enim militarium concessum est, vt possint ducere vxores, et vero Matrimonio copulari: et vt possint testari de bonis suis patrimonialibus, et etiam de redditibus Ecclesiasticis certa quantitate suis Monasteriis relinquendo, et alia similia, quæ si per consequens Ordinibus Mendicantibus, & Monachalibus censerentur communicata, totus eorum decor, et fortitudo periret, imo deficerent à veris Religionibus, cum status Matrimonialis vere Religionis essentia contradicat. Ita docet Frater Emanuel. Tom. I. qq. q. 55. art. Ultimo. Et in penultimo docet ex Cordua in Additionibus ad Compendium Tit. Communicatio priuilegiorum in fine, illi, quibus communicantur priuilegia aliorum Ordinum, ac si illis specialiter concessa fuissent, quales sunt Mendicantes, et etiam alii Religiosi, de quibus supra, possunt æqualiter, & ex equo gaudere prædictis omnibus priuilegiis sibi communicatis, etiam contra illos, quibus concessa fuerunt, per quorum communicationem ipsi gaudent prædictis priuilegiis.